



JABATAN PERKHIDMATAN VETERINAR

Department Of Veterinary Services

Kementerian Pertanian dan Keterjaminan Makanan

Wisma Tani, Blok Podium Lot 4G1 & 4G2

No. 28 Persiaran Perdana, Presint 4

62630 PUTRAJAYA

MALAYSIA

Tel : 603-8870 2000

Faks : 603-8888 6021

E-mel : pro@dvs.gov.my

Laman Web : www.dvs.gov.my

SIARAN MEDIA

SAMBUTAN HARI VETERINAR SEDUNIA TAHUN 2025

JABATAN PERKHIDMATAN VETERINAR (DVS)

23 JUN 2025 | DEWAN SERBAGUNA KPKM, PUTRAJAYA

PUTRAJAYA, 23 Jun – Sambutan Hari Veterinar Sedunia Tahun 2025 telah diadakan pada 23 Jun 2025 bertempat di Dewan Serbaguna Wisma Tani, Kementerian Pertanian dan Keterjaminan Makanan (KPKM), Putrajaya.

Majlis yang dirasmikan YBhg. Datuk Badrul Hisham bin Mohd, Timbalan Ketua Setiausaha (Pembangunan) Kementerian Pertanian dan Keterjaminan Makanan ini adalah acara penting yang meraikan sumbangan doktor veterinar kepada kesihatan haiwan, kebajikan dan kesihatan awam.

Ia juga sebagai menghargai jasa veterinarwan yang berusaha dalam memastikan keselamatan dan keterjaminanan makanan dalam negara selain menguar-uarkan perkhidmatan veterinar yang disediakan untuk para *stakeholder* dan masyarakat.

YBhg. Datuk Badrul Hisham yang diiringi YBr. Dr. Akma binti Ngah Hamid, Ketua Pengarah Perkhidmatan Veterinar turut menyampaikan anugerah berupa plak dan sijil penghargaan kepada Y.H. Datuk Dr. Abd Aziz bin Jamaluddin yang menerima Anugerah Veterinawan Cemerlang bagi Perkhidmatan Veterinar dan YBhg. Professor Emeritus Datin Paduka Setia Dato' Dr. Aini binti Ideris, penerima bagi kategori Anugerah Veterinawan Cemerlang bagi Pendidikan Veterinar.

Y.H. Datuk Dr. Abd Aziz dipilih sebagai penerima Anugerah Veterinawan Cemerlang bagi Perkhidmatan Veterinar berdasarkan kepada sumbangan cemerlang beliau secara kolaboratif dan menyeluruh kepada profesion dan perkhidmatan veterinar bagi pengukuhan kesihatan haiwan, keterjaminan makanan dan kesihatan awam veterinar.

Sementara YBhg. Professor Emeritus Datin Paduka Setia Dato' Dr. Aini dipilih memenangi Anugerah Veterinawan Cemerlang bagi Pendidikan Veterinar berdasarkan kepada sumbangan beliau yang cemerlang secara kolaboratif dan menyeluruh dalam pengajaran dan pembelajaran bagi pendidikan veterinar di pelbagai peringkat di samping menunjukkan kepimpinan dan kecemerlangan secara berterusan dalam akademia pendidikan veterinar.

Dalam majlis tersebut juga telah turut diadakan sesi ceramah bertajuk “Enhancing One Health Strategy To Global Challenges” yang disampaikan oleh YBhg. Professor Emeritus Datin Paduka Setia Dato' Dr. Aini binti Ideris

Setiap tahun tema Hari Veterinar Sedunia adalah berbeza dan tema tahun ini adalah “Animal Health Takes A Team” yang menekankan kepentingan profesion Doktor Veterinar bekerjasama sebagai satu pasukan dalam memberikan perkhidmatan veterinar yang berkualiti tinggi merentas pelbagai sektor demi kesejahteraan manusia, haiwan dan alam sekitar.

Sambutan Hari Veterinar Sedunia pertama telah diraikan pada 29 April 2000 untuk menonjolkan peranan penting doktor veterinar dalam meningkatkan kesejahteraan haiwan dan manusia, keselamatan makanan dan amalan pengangkutan serta kuarantin

haiwan. Pada tahun 2001, persatuan tersebut menetapkan hari Sabtu terakhir bulan April setiap tahun sebagai Hari Veterinar Sedunia.

Kementerian Pertanian dan Keterjaminan Makanan (KPKM) menerusi DVS sentiasa komited dalam memastikan kesihatan awam melalui kawalan penyakit zoonotik dan penghasilan makanan berasaskan haiwan yang bersih dan selamat serta melindungi industri ternakan dalam negara dari ancaman penyakit haiwan.

**JABATAN PERKHIDMATAN VETERINAR
KEMENTERIAN PERTANIAN DAN KETERJAMINAN MAKANAN (KPKM)
23 JUN 2025**



